

金剛新異錄

C40
4514
(44)

C40-4514

了翁上座請大藏及有
家書置之武州紫雲山
我微矣塔院在府中永
為學者不敢許出院內
嘗山二世鐵十機意誌



B 64853

皇明金剛新異錄序

金剛般若經以斷疑破執為指在大部五百七十七
卷中名能斷品原夫四生十二類必盡者形骸不盡
者輪迴自非斷疑破執將生無了而死無休然非信
入此經卽疑不斷而執不破以故覺皇慈悲埒筏喻
以說法智人善巧啓津梁於受持唐段太常鳩異宋
太宗廣記備載感應極談果報蓋幽冥最重此經天
神咸加擁護誦讀解說則功德河沙狐疑不信則罪
愆山嶽載生居士胸無執着悟因無所任生心身係
再來種無量百千萬善拮據 昭代紹續前聞意主

新則有徵異斯警醒綜其版錄如拘僧見塔彰鬼神
之敬恭得佛長生覈僊宗之證悟二字夾雜卒魂阻
度四句牢持畜業頓轉神風顯護經之力金剛現拯
覆之形聽經鶯伏雌卵蜘蛛蛻彼非衆生非不衆生
吳遊冥王回生施完經是一合相非一合相念佛通
天之廣澈奪舍而遊織經坐脫之女人吉祥善逝書
經暗室放悲智之常光勸親聽經著扶持之至孝訟
師漁戶洗滌習心隣老誦軍感通靈異伽藍請而乩
仙誦示人間功德之最勝非乎瞽得子而僕延年覘
先世罪業之消滅信矣菩提證見俾乎暑逝生香玉

皇明金剛新異錄序

大猛火聚中無一物得存所不能壞金剛耳金剛生
精金之中類紫石英色如麥麩其堅利能壞一切而
一切不能壞故曰金剛乃金中之剛非世剛也我人
妙精明心能破壞六塵而如如不動取喻其最切耳
此則大雄氏與四生十二類毫髮不殊故如如不動
處滙合既真卽志壹氣動間因果不爽孰得撥之爲
無哉金剛經爲般若心髓震旦誦持最盛乃世所刊
金剛證果報應大都取諸鳩異廣記詳於唐宋而略
於我明余謂凡人於沿習則玩忽玩忽則惡心生新

異則警警醒則善心生往古之事已陳晚季之天
漸近因果之說非百年間或數十年間或七八年或
五六年間耳聞目擊事未易使厭婆經之借口薄老
生之常談者變動而轉移也余搜平時禱記凡是經
符應彙之一處強半余地事及余傳聞於里中故老
事彙成再四讀之亦復髮悚汗流蓋皆火牛之田單
非黃金橫帶之田單也計他地所有與他人所記必
有彰明較著什百倍於此者善巧傳播勿使泯滅端
有望於與人爲善之君子因名曰皇明金剛新異錄
秀水載生居士王起隆序

皇明金剛新異錄又序

王子序竟難者曰金剛經般若最上子盛輯因果無
適着相求菩提乎曰持金剛經有三等人第一等人
如六祖大師擔柴過市聞無住生心句頓提祖印中
峯禪師讀至三藐三菩提便豁然全經所謂言下不
容擬議全身般若卽肩荷去是也第二等人則讀而
解義尋思精求夫依義不依語者所謂言下別有理
會全身般若漸次印記是也第三等人則循聲持誦
諦賴以感通靈應抵敵散亂鞭策昏頑所謂因言而
有醒發全身般若隨諸方便信受奉行是也佛法未

80 1 2 3 4 5 6 7 8 9 100 1 2 3 4 5 6 7 8 9

論述

皇明海國雜錄

劫第一等人如優曇鉢花絕世罕有第二等人如青蓮朱草亦是稀逢惟第三等人如常材凡卉滿目皆然若而人不著相求菩提不且着相造業乎此編之輯尚為第三等人說法不為第一第二也佛語因病發藥初無定執當今而譚本來無物何處惹塵於般若祇滋狂慧若時時拂拭勿使惹塵則於般若為堪胸刃頂門針鑽木出火通體光明顯現者矣善讀金剛經人必不以彼易此王摩詰有言法離言說了言說即解脫者終日可言法無名相知名相即真如者何嘗壞相善哉數語洞見般若至要敢借和盤托出

免得狂禪輕把利器假人土苴此編也秀水載生居士土起隆又序

神風
沙門原波
雙卷立化
持經得書
萬曆
四句牢持
萬曆
伏維度脫
萬曆
持經善逝
萬曆
經題
郡隍秘冊
萬曆
數親
萬曆
持經長生
正德
持經退高
正德

華信

皇明海國雜錄

三

其高入不着相求菩提不且着相造業乎此類
而為第三等人說法不為第一第二也佛語因
公藥初無定執當今而譚本來無物何處
祇滋狂慧塔時時拂拭勿使惹塵則於
真門針線未出大通體
士土跋刺天引 可言法無名相知名相即其如者
與掛耳靴彈吐屎掛翅人土直此論也委水津主君

皇明金剛新異錄目

拘僧見塔 弘治 得佛長生 正德 持經還壽 正德

巖江趺化 正德 夾雜二字 嘉靖 馮勤延年 嘉靖

神風護經 嘉靖 經題七字 隆慶 二祖勅還 隆慶

沙門廣澈 萬曆 郡隍拯母 萬曆 萬戶子生 萬曆

雙鷺立化 萬曆 漁戶業除 萬曆 勸親聽經 萬曆

持經得雉 萬曆 四句牢持 萬曆 伏雌度脫 萬曆

金剛拯覆 萬曆 訟師請經 萬曆 持經善逝 萬曆

鄰老持經 萬曆 開瞽得子 萬曆 范僕持經 萬曆

蜘蛛脫化 萬曆 證見菩提 萬曆 奕德遊冥 萬曆

萬曆

皇明金剛新異錄

一

二東苦厄

萬曆

主令回生

萬曆

携經隨任

萬曆

天棊易名

萬曆

織經坐脫

萬曆

書經暗中

萬曆

伽藍送請

奉昌

紅舖老軍

天啓

乩仙假室

天啓

玉筯雙垂

天啓

暑逝生香

天啓

焚衣焚書

崇禎

放回完經

崇禎

皇明金剛新異錄

秀水載生居士王起隆輯著

同里補軒居士金麗兼叅訂

拘僧見塔

禾郡真如塔圯大修於弘治間於時一頭陀僧名懷
林曳三丈長鐵鍊募二十餘年而塔工畢卽回首於
塔中今肖像祀焉相傳頭陀其初爲蘇州承天寺僧
飲酒茹葷蔑視戒律於暑月乘涼忽觀兩冥卒入繫
其頸則牌拘十餘人頭陀名亦列焉懷林許賂二卒
楮錠各若干幸稍緩期七日拘齊他人而來偕往二

皇信

皇明金剛新異錄

五

卒欣然聽許頭陀泣告徒衆市楮錠焚之處分待盡
或告以真如某禪師道行高舟行一日程曷往求之
頭陀如言來痛哭陳乞禪師曰此間塔將頽矣汝肯
竭誠發心任募化修葺我當授汝法門保鬼不能拘
耳頭陀卽對佛發願禪師手數珠與之曰汝七日內
勿睡但任我房轉誦金剛經中當知此處卽爲是塔
二句足矣頭陀如言轉誦逾七日兩冥卒踉蹌至禪
師處捨地顛曰有合死僧逃此間求指示方便禪師
曰渠在房中任汝拘之奚問焉兩卒入卽驚出口房
中止見一座寶塔赫奕光明目眩不能略開禪師曰

渠誦最上乘法又發勇猛大願雖天龍鬼神奈之何
汝但回覆冥君某僧某師留之修塔幽明功德分受
必不汝深罪也兩卒不得已泣拜去頭陀遂製此鐵
鍊自鎖曳於道途不憚隆冬酷暑道里之遠叩求善
信竟得以再生餘年完滿此大功德云經言障蔽魔
王一千年中無覓金剛藏菩薩任處觀此修塔頭陀
亶其然乎

得佛長生

正德間川西鶴鳴觀道士陳玄志求長生精思日夜
忽夢見一神形貌異常自稱執金剛神告玄云爾求

長生速往岷山禮智融和尚當授汝長生法也玄如
言造懇指示融云金剛經偈言一切有爲法如夢幻
泡影如露亦如電應作如是觀此是我佛長生玄問
既如幻夢何謂長生融大喝云諸相非相三藐三菩
提心不入斷滅玄於言下大悟遂辭隱於瓦屋山虎
踞巖之陽不廢玄攝而日必誦金剛經凡滿數藏歷
春秋九十有八一日遍集鄰居隱者告曰吾初求仙
長生今竟得佛長生願諸公得我所得意訖瞑目而
逝近瓦屋山數百家共建祠肖像祀玄謂仙宗佛果
兩得之焉茗中許宦任四川觀察親紀其事

持經遐壽

正德間南嶽有大德僧曰楚石博通三藏而專持金
剛經人有禮之乞佛法者無賢愚貴賤輒大聲曰好
持金剛經去年一百七十一歲始化同時有白藤和
尚無極和尚亦專勸化持金剛經白藤終一百三十
歲無極終一百二十四歲祈壽命得壽命祈大涅槃
得大涅槃豈虛語耶

巖江趺化

巖江相城皮工也中年棄業於佛寺擔齋飯在路專
持金剛經併念阿彌陀佛不絕聲年六十餘忽絕粒

飲水一月乃言曰我當以某月某日某時去至期沐浴更衣踟躕而化焚之得舍利數合其舌堅如金石扣之有聲時正德十三年事也載相城誌錄出以告誠心持經念佛者

夾雜二字

少保南塘戚公副總戎時以倭亂提兵守禦三江公素虔持金剛經雖在行間不廢一夕夢陣亡親兵某求誦經一卷資度脫旦日兵妻來籲所夢如之公晨起齋素專誠爲誦是晚兵妻夢夫語之曰感王帥爲我誦經奈經文中夾雜不用二字功德不全尚未得

脫苦耳兵妻旦日復以夢籲公大訝因憶誦經時閤婢以茶餅至公手麾之口雖不言而意中云不用也公時以語幕客事遂傳焉噫一念之夾雜幽冥卽知誦金剛者可以散亂心隨口循誦反增鬼業乎

馮勤延年

馮勤嘉靖間人歸安茅鹿門家傭僕也日者占其殞問一老僧何以延年老僧曰若爲僕無力積德惟灑掃字紙併誦金剛經庶免短折勤乃置竹鐻竹篋兩事日間遍歷村巷凡穢惡字紙悉鐻篋中滌以香水曝乾焚灰包送清流遇隻字未嘗遺夜歸則跪誦金

剛經一卷回向歲以爲常後漸知書通文義鹿門亦禮貌之家道豐裕有二子四孫壽九十五無疾化

神風護經

洞庭山某寺有唐白樂天所書金剛經全卷爲鎮寺至寶嘉靖四十三年東南饑荒寺衆餒主僧用經質山塘王宦米五十石爲食越歲王宦呼主僧至家願捨前米作齋僧用以經還之僧歸過湖對衆稱揚王宦之德舟衆共求一看展開之時天風大作竟揭經前數幅飄空入雲而去僧懊恨不已還寺置經原所三年後忽上官有不肖者聞此經名陷主僧以他事

禁而逼獻焉經至以經不全不愜意釋僧而仍以經還之僧歸舟風又大作昏黑艤舟入一深村避風登岸索火詣一老漁戶家則壁粘前經數幅毫無傷損也漁戶姓姚不識字詢之但云前三年有火光一道墮田間驚視之是字紙異之因粘於壁僧向數幅悲淚頂禮呼護法韋馱不休曰非兩番神風顯異此經見留權勢不得合浦重完矣因爲漁戶備述顛末漁戶頗殷驚感遂改業務農又出貲重裝此經每歲遇得經還經之日必往寺展禮壽八十二無疾終噫此視螺螄千里送經還者不更神異也哉

經題七字

隆慶己巳紹興天樂鄉處士王德用妻陶氏一日病篤見二鬼使云汝陽壽已絕且平生毫無善事當墮惡道須臾果見地獄可畏相謂夫曰地獄現前如何救我忽憶隣寺瑞長老每日誦經因曾記金剛般若波羅蜜七字極力猛誦數千百遍先所現地獄遂隱不見床次侍疾家人忽見有五色光從陶氏口出空中隱隱有聲曰陶善女已免墮地獄生善地矣舉鄉之人皆傳告經題七字得脫沉淪鮑性泉居士所錄

二祖勅還

錢唐李時英爲南海欽州守素誦金剛經隆慶丁卯爲分考官於闈中病死三月初見金甲神人欲鑽去見泰山府君城隍土地咸在土地以李誦金剛經故堅不肯押字金甲神怒袖出火釘長三尺餘從土地頂門釘入立見焚燒盡俄復本形堅執不押如故金甲神曰當全鎖汝往泰山土地曰見泰山我自奉旋見數鬼稱冤索命呵時英前世爲九江守受賕殺人正急怖間憶誦金剛忽見呂祖師乘雲而下鬼俱奔逝時英伏地乞哀呂祖曰還我老君丹來熟視又曰業重業重可惜丹俱壞盡矣汝誦金剛可求救六

祖忽然間六祖至觀時英伏地亦曰業重業重待我
與五祖商量來時英出一手曳六祖袈裟片片飛金
光也少頃候異香滿鼻聞空中五祖六祖勅曰誦金
剛經人可且放還隨見前金甲神復至提時英一擲
汗下如雨而甦時英出場卽棄官歸於湖南淨慈焚
修晨起必誦金剛超度冤鬼後無疾終

沙門廣澈

杭城有野僧名廣澈號通天者向金省吾中丞丐淨
地誦經念佛張元洲尚書有家廟名資福頗淨省吾
從丐得之廣澈日則誦金剛經夜則携燈籠繞街念

佛省吾一夕送客出遇之爲書其燈籠曰沙門廣澈
念佛通天廣澈於某年月日回首於廟中湖廣某王
是夕夢一僧闖宮入曰我杭州資福廟僧來爲王子
王視其手執籠則有八字瞭如驚寤後宮已報生世
子矣王特遣尉至杭物色其事則僧逝之夜卽王夢
之辰倘所稱福因厚重奪舍以遊者耶因果之說詎
曰誕妄萬曆初事

郡隍拯母

蘇州楓橋盛在德從講師懸明受經萬曆初病赴冥
司則被仇鬼盛之化告郡隍逮對也在德理直得縱

觀冥獄釋還經宿復絕見郡隍降堦諭曰我生前荆
州人姓曹氏自登神籙我母張太君轉世三度矣咸
女身不育若代我懇懇明師虔誦金剛經月上女經
各五百部拯我母轉男諭甚切在德再生禮請懇明
誦滿牒告管東溟先生作序紀之載暢若齋續集

萬戶子生

萬曆初吳中一萬戶無子求禱歷歲不獲叩於一老
禪老禪曰未也公已有子係一道者在某處跪誦金
剛經一藏募修一路計其竣工尚須三禩始來托生
耳萬戶遣人物色之良然三年後經完路工竣道者

死而萬戶子生詢之則死生同其時日也固知生而
紆金衷貌亦人天福大非細故

雙鸞立化

萬曆初侍中鍾公復秀徐公遵壽俱任羅家巷奉佛
持金剛經別潔淨一佛室二公聯坐而誦鍾家有二
白鸞聞經聞念佛輒尾二公後作聲而行逐之不去
亦不近逼其行其止皆隨木魚聲嚴寒行多鸞掌凍
裂露骨強行益力逾數年二鸞並對經案立化二公
爲瘞於淨業寺後地號聽經鸞塚

漁戶業除

海鹽漁戶張元與弟張貞撒網夜歸舟至青松塘見
水面有異光掩映星月疑下有蚌珠遂沒取焉得石
匣一枚兄弟相慶歸家禱而後啓得金剛般若波羅
蜜經一卷金字所書光彩異常元亦索然置之家堂
中夜夢金甲神語曰汝前生爲長水法師講壇作務
人因不堅固道心退墮至此然夙因未泯賜汝大法
當精進持誦元以不識字爲辭神令開口以金丸授
之燁燁有光香煖入腹遂驚而覺明日啓誦熟如久
習矣元叩達觀大師具陳其事師更勉勵以誦經必
回向西方越三年元謂親識曰我殺業除蓮臺現矣

無疾端坐而化時萬曆丁丑孟秋事也

勸親聽經

金壇王方麓先生病篤時煩躁其子損庵進曰大人
平日涵養正須此際展舒願澄心聽兒子轉經何如
方麓首領頤解命損庵取金剛經朗誦聽至無我相
無人相四句輒笑曰煩惱本無我相誰戀遂合掌而
逝方麓得手人故一撥卽轉而損庵於親垂逝能勸
親聽經固送死之孝遠過俗情什伯

持經得雋

嘉禾沈公光華嘗判兩淮鹽鐵歸田日偶與同郡運

同吳公淞閑坐從容遞問日間所爲沈云晨朝茹素持誦金剛經積二十年已踰二藏吳亦漫然置之居無何吳忽晨起疾馳詣沈賀云郎君南闈必第矣沈問何故云夢一人言郡中一士夫以持金剛經功德其子得雋覺來唯憶公當酬是夢是歲之秋沈公叔子應明果登應天鄉薦聞沈公持誦金剛經最虔而行任坐臥能自暗誦嘗從東郭季子家往還塗間一心持誦計所經屠門市肆及虛空一切需經功德超脫者不知凡幾又以無四相心修一切善法累世積德故子孫蟬聯科第爲禾郡冠族皆金剛經證驗云

四句牢持

崑山縣民鄒軼賣腐營生素不識字一日聞僧誦金剛經軼停腐擔聽之但記得無我相無人相無衆生相無壽者相四句牢持之萬曆十一年十月初十病死爲冥卒押至蘇州李作坊家牛欄中見有先在者二人冥卒曰汝陽數盡奉冥君命判汝此地受生十三年軼知將入牛胎但牢持四句不休冥卒用力推軼不能近也俄聞人云彼四句在心且放還持誦全經爲陽世誦經者勸軼遂得生事遂傳播隣人到閭門李作坊家詢訪則此日之夜牛生三犢而一死也

輒驚感授僧爲師教授全經日夕誦持焉逾十三年以無病卒於家噫非經四句則輒之餘生盡拖犁負重之日子矣無病符期而卒善地受生何待言耶金剛靈異能轉定業信夫

伏雌度脫

萬曆庚寅湖州華林鎮一老者誦金剛經日有常課其家有伏雌抱十二卵一夕老者夢男女十二人拜堂下曰賴公經聲悉得度脫禽倫故來致謝老者夢覺偶思十二雞卵出之覺甚輕劈視空殼也因呼衆傳視劈之俱然持經功德信乎不可思議

金剛拯覆

嘉興北麗橋民沈濟寰開青菓店每晨朝起必持金剛經或出外則一絹袋貯經懸胸前不曠持誦萬曆癸巳冬往洞庭山販橘太湖中流陡遇龍風湖面昏黑沈船漂蕩如葉櫂楫盡失巨浪如屋高出於船丈餘已陷沒水底矣呼號間忽若有巨力提船以起拔出波間夾送如飛頃刻達翁家嘴登岸則岸人共見有兩金甲神行水中左右擎船而來也一船人知爲金剛拯救得免沉覆其感沈之德號爲青菓沈佛家遠近傳播

訟師請經

里中莫晴虹居士於楞嚴經坊遇一常州人請經口中喃喃誦金剛經觀其面目甚是可畏因問公何因緣在路誦經其人曰我善刀筆久爲訟師一日病死至閻羅王所究問生前過惡我逞辯不服王命獄卒帶寃對某某至質云諸人被你狀詞累至死地有乎我無可抵飾遂高聲念金剛經王肅然起立我見起立連聲誦念王卽命且放回某某呼號曰受寃幾載無繇相報今日到此決放他去不得王曰彼陽數尚未因其惡拿來彼竟高聲誦最上乘法我亦無可如

何姑放回盡彼陽數彼是惡人去必仍前作惡不肯誦經待彼不誦經時我追捉未晚也以此因緣再生陽世故改行從善且懼寃對之終逢也故日誦金剛經回向以超度之冀得消釋耳萬曆庚子秋九月晴虹筆記

持經善逝

萬曆辛丑順城門內監張慶晚年受持金剛經屈易簣家人囑之曰莫忘持經念頭慶心然之而口噤不能答觀二青衣押之曰汝當往山東投胎其行若飛日中已到山東見彼土山水及受生父母愛一心惟

持經隨押至一殿宇心疑是東嶽而無牛頭獄卒殿上一人冠平頂冠引夔使前冠者起曰汝合到此地投胎夔稱某一生持金剛經但願往生不願投胎冠者曰汝持經功少夔云曾聞十念成就况某持經已歷數年之久乎冠者因顧兩青衣曰且送回持經夔死已九日心尚煖未殮復甦遂離家住西山碧雲寺齋誦金剛經又十一年一日集衆云我以持經力今西去矣沐浴更衣端坐而逝

鄰老持經

歸安茅封公惺海諱一臯長子光祿卿五芝公諱瑞

徵以名士援入成均其未中時有鄰老賃茅屋以居持齋誦金剛經貧且無子丁酉元旦正誦經次忽見金剛披金甲持杵降前曰茅一臯之子瑞徵今年北京鄉試第八名爾今日即可往密報囑茅勿泄到期符驗管辦汝存時居食歿後喪葬也感爾誦經至誠無嗣特以此酬汝爲世勸耳五芝秋闈名次果符遂捨居與鄰老且供養之終身而悉辦其後事焉五芝平素不欲恒語人此余讀書茗溪親聞於其弟太學君房者

開瞽得子

秀水庠生濮可重妻王氏有一子一女相繼痘瘍哭
之過哀雙目成瞽遂專心持誦金剛經數歲不輟一
日誦經次左目忽流水痛割如裂則豁然明矣右目
過數日復如之因持誦愈虔夜夢佛語之曰汝本無
子以誦經故賜汝一子氏忽復娠生子因名經賜至
今現存

范僕誦經

報忠坊范氏僕失記其姓名余八九歲時覩其肩菜
擔行市口中喃喃念誦不休聞其發起營趁必於佛
前焚香膜拜跪誦金剛數卷乃出晚必赴金明寺佛

殿禮佛回向乃歸途次遇生命每減錢買放逢丐乞
病者減口食施之其作善俱真心實意也家主予之
妻不願遂聽出家投三塔大乘禪師薙髮爲弟子僧
衣數年辛勤作務凡禪堂苦役悉以身任之未嘗告
倦忽一日示疾告衆曰我夙生以誦金剛經怠慢故
罰作人奴今限滿當往善地受生矣遽瞑噫入視人
以貴賤分重輕佛天視人正當以善惡分貴賤耳如
彼范僕怠而能勤慢而能肅先世罪業則爲消滅矣
經言豈欺我哉

蜘蛛脫化

會天志良申張士

公安三袁宗道會元宏道中道進士三人同胞俱母
太夫人龔氏所生袁世敬禮佛教太夫人尤崇信金
剛經雖貴年高日誦有常課一日誦經將半忽空梁
直墜黃絲懸一巨蛛下繞經案循走數匝對經蹲身
而伏太夫人祝之曰爾聽經來耶我勿驅爾幸竟聽
而去乃依先擊魚子誦經至六如偈蛛忽若動身作
禮誦終卷太夫人曰爾可去矣則不復蠕動舉視之
乃空蛻肉已脫化無餘矣因爲小龕以僧法塋之爲
起小窰堵波號蜘蛛塔金仲栗述

證見菩提

公安龔鴻臚仲淳婦祝夫人卽三袁舅娘也精虔奉
佛誦金剛經臨終呼子婦咸集曰見一須菩提佛寶
相莊嚴金光燁燁又見一接引佛眉間白毫如銀光
一道飄揚宛轉長數丈夫人出手攬白毫佛卽接夫
人置掌心俄見須菩提佛化爲百餘佛莊嚴一相不
殊聞耳傍有言曰汝記之經中凡有一百三十八須
菩提卽此化現也子婦咸焚香誦佛夫人笑瞑閤中
一丸歲小婢臥間見數金甲巨人執幡幢爲夫人引
導幢脚微拂婢面而過呼痛驚醒則面有傷墳起逾
月餘乃平而無損無血夫人柩間數發異香喪次人

人聞之蓋直證見菩提矣

奕德遊冥

歙石橋吳奕德萬曆甲寅年二月因遊黃山叩普門
大師有省發願齋素親書金剛經三十卷傳施五月
二十九日浴琴溪忽得暴疾一夕氣絕只心頭一片
溫暖家人不敢蓋棺環之誦金剛經越八日忽復活
起俛皇視捧其腰連呼跌痛不止徐定氣詢之則曰
我昨日浴溪中忽兩人押我去腰間出冥府牌則見
我名遂行初入山徑環繞往來者衆冥卒操鐵棒答
其行我生前曾誦金剛經得不管漸達窮谷天色慘

闇類秋冬狀復數十里行溝內對峙皆童山色焦赤
崩折破裂不似人間溝外沉沉黑氣盡爲水波波中
出沒似人似畜不可數計惟恐墮溺遠望圍城迢迢
難至入城廣若數百里皆鐵堵以銅闌其門市無居
民盡黑柵若驛小舍因繫諸人皆引領外望隨見亡
過親屬弟妹來乞其銀分用曰家中爲汝誦經送銀
隨後至矣頃果得銀分與又曰汝多金剛經數十卷
併分與衆復入一小城視城外益狼狽血肉淋漓無
有完人又轉入一小城望署額曰森羅殿左曰四生
司右曰四死司一烏帽者責吳前世爲將誤勦一百

八十人命隨呼卒榜掠吳無數吳但覺心憶金剛經
則痛可忍隨聞堂上命簡原案則見冤鬼百數形極
短小各持其頭向吳毆擊索命奕德辯曰前世殺汝
等必因王事非本心也堂上震怒聞呼取極刑則劃
然地裂有火面碧身者從中躍出昇大鐺沸滾油束
吳將烹之忽聞誦金剛經聲殿中幽暗皆明鬼卒驚
走曰西方到西方到見空中二巨人舉杵入鐺滾油
俱化彩雲而飛奕德因發念得生還當卽償書金剛
經願又發念三十卷外更書一百八十卷資度冤對
墮落聞堂上呼兩黃憤者送歸所行路皆異前漸達

光明忽行一峻嶺兩黃憤撲奕德下覺跌腰大痛而
起遊冥八日但覺兩日耳奕德因全家茹素專寫施
金剛經終其身世焉

二東苦厄

項蘭齋左督自云丙辰春夢謁至尊無敵大王見帶
血菜色人彌萬曰此二東也可識之還勸人齋素念
佛誦金剛經可生免兵荒死度苦厄居無何山東數
府大饑死亡略盡而遠事隨大壞死更倍焉夢之二
東遂驗項虔持金剛未嘗一日輟

王令回生

臨海季廉王立轂仕爲新淦令戊午上計泊舟荻港病陡死赴見冥王簡算久盡以持戒得尚延適作官毀戒故致勾攝也立轂祈哀傍有宰官起白冥王曰此官戒雖毀然爲令多循政行社倉法拯饑兼平時書刻金剛經好生縮勇猛爲善是可還生冥王覈善惡聚果然赦劍其雙目示陽世證明立轂遂甦而目卽盲因乞休歸里日誦金剛梵網法華三經與室俱棄家修淨業一夕夢大士以楊枝灑甘露點其瞳晨起禮懺豁然見物復完光明立轂有自著回生紀瞿稼軒給諫刻於雲棲印施

天榜易名

項希憲副初名德茶夢已爲辛卯鄉科以汙兩少婢被王科名籍神人乙去遂力行種德事捐資懇友高松聲精楷金剛經刊板歲施之凡十餘年夢至一所見黃紙第八名爲項姓中字模糊下爲原字傍一人曰審視此汝天榜名次也因易名夢原壬子中北京鄉試第廿九名已未會試第二名共疑夢名次之爽迨殿試爲二甲第五名方悟合鼎甲數之恰第八也鄉會榜紙俱白而殿榜獨黃尤爲冥定云北京邸中希憲自語余者

書經暗中

楚高衲寒灰於天皇寺書金剛經至第十六分一夕
忘點燈竟於暗中作楷書經直達子夜偶腹饑思食
起憶燈燭則眼前墨暗矣驚呼同房僧鑽火燭之則
字畫莊嚴非復平時手筆慧光照耀佛炬破幽可以
意想測量之哉

織經坐脫

里中錢永明居士元配張氏素精誠奉佛日織一布
於布機中誦金剛經十卷以爲常課一日正織間誦
至不於一佛二佛三四五佛而種善根已於無量百

千萬佛所種諸善根忽停梭合掌諸家人婦女覺其
有異呼之則已瞑目坐脫矣時萬曆庚申年七月初
四事曾無一日疾病之咎焉載生子曰正織布時一
心念經著其布者卽渾身般若矣豈惟著布者光明
照身併見聞此布者與異類衆生觸著一梭一縷者
俱種甚深般若因緣矣或疑不信心之子著此布不
增罪矣乎要之著者卽般若護體罪福如幻起亦滅
卽不得以罪福論如此織布實是織經矣薦此何但
織布凡運水擔柴經營技藝治世語言資生事業曾
有般若外法金剛外心乎此善女人之忽焉坐脫稱

吉祥善逝灼矣

携經隨任

楚中槐庭蔡公爲我禾守絮已愛民清苦無比公長齋奉佛自公之暇惟持金剛經衙宇毫無長物所有僅經卷繩床蕭然枯禪榻也公體素羸自言爲諸生時遭危疾貧無醫藥已與死隣矣發願盡形誦持此經漸次痊愈得發科甲今作官者俱餘生故蒞任但携此經卷而來矢去任仍携此經卷而往比古人琴鶴自隨已爲多事晨夕經案卽同焚香告天耳公竟任不畏強禦視民如傷供給但菜腐未嘗市肉衣但

布袍未嘗市絹公試士每首金補軒選長意氣最契亦以此經併戒殺文授令奉持每詳公自道如此

伽藍送請

京師摩訶庵壁有各體篆書金剛經三十二分每分之後各係正書一段俱萬曆中海內名筆如黃慎軒焦弱侯董思白米友石邢子愿諸公妙楷精刻妙極莊嚴士紳敲搨無虛日碑遂漫漶庵主僧募貲構石思乞名筆重刻之泰昌九月李公湘洲以侍郎參習庶常夜忽夢伽藍神送一請啓至稱摩訶庵有金剛經勝緣從公乞及門弟子完成翼日命駕之庵則見

精石二十板已磨礱在禪室矣時館中三十二人如
侯蒙澤何象岡劉逢玄陳居一姚孟常顧九疇孔王
橫陳秋濤諸公無不擅譽臨池湘洲特以夢語諸公
先後詣庵各就石硃書一分又捐俸募善工精刻移
置壁間遂煥然神明復還舊觀余客都門親見

紅舖老軍

正陽門紅舖有一老軍看守鰥居無子歲支糧十石
存四石爲饗餐以六石易錢爲薪菜衣補胸中遂無
一事日焚香誦金剛經首揆韓公曠每乘大轎腰玉
衣麟呼殿過其地聞聲輒歎曰爲我難爲彼易而我
無彼福也老軍七十三終於紅舖六月屍不穢飛蠅
不集京師貴人共異而買地殯之噫韓公賢宰相之
言可謂真實不虛太平無事不櫻官爵得自繇身乃
是人間仙福更加諷誦金剛修最上一乘出世正因
豈公卿富貴可得比乎

叭仙假室

順天府庠士邵園客家佛室精潔萬曆庚申春日偶
扶叭有慧珠子降叭曰願假此室誦金剛經一載期
滿一藏卽去耳邵素崇信仙佛慨然諾之卽封緘不
敢入自此每靜夜必聞魚子及誦經聲但不見形耳

果竟年乃聲息方信神仙亦靡不皈依三寶崇重此
經佛言十種大仙不修正覺報終還來散入諸趣此
經離相見志能所河沙功德不可比喻可資度脫仙
倫也不然卽閱長年亦守屍鬼耳鬼仙散蕩又不出
陰靈耳何貴焉

玉筯雙垂

里中朱文恪公清風師世自奉至澹泊居常每日必
於內書室闔戶閱一卷書又靜坐久之乃出雖各嗣
君未嘗知何書也迨入相言歸則舟中人稍稍有得
見者乃是金剛經臨化之歲間語嗣君輩我生平榮

淹不較頰逆一如只得金剛經中無我相無人相兩
句之力又時呼鄰老解說經中大意天啓甲子十月
廿五公無疾命酒自酌端坐而逝逝後鼻中玉筯雙
垂吞吐歷數時乃隱咸疑公素不奉佛何顯此異不
知公平素耽精上乘妙契佛心其狀元宰相實果位
中人再來者耳

暑逝生香

譚梁生水部母嚴太夫人持家有法課諸子凜凜義
方雖以夫貴子貴而布衣蔬食不尚紛華篤信佛法
於金剛妙法蓮華晨夕禮誦晚歲則持華嚴日必一

卷凡數過能爲子婦講解大意歿時示疾正當崇禎壬申暑月起更衣沐浴禮佛曰某一生敬佛果有佛緣當令遺體氣息不穢隨跏趺端坐合掌而逝逝後七日顏色含笑如生喪次無一飛蠅時時香氣飄拂弔奠之衆莫不見聞歎異梁生自有傳紀余錄其槩彰持經神異

焚衣梵書

王季常季廉諱維新歷官延平太守爲

崇禎乙亥春候勘於福州府之開元寺愜鬱遭疾而歿季常自幼奉佛虔誦金剛經併持準提咒焚床衣過時衣灰上遍顯白文梵書灣折精明如豆大者指頂大者數萬俱有香氣寺衆見之無不歎未曾有太守一生誦持臨化顯此神異不得以其末路錯做好人輕訾之也季常甥錢平如親視含殮暨其隨身兩僕歸說如此弔輓盈冊存其家

放回完經

嘉興角里街施嶧陽與東塔寺僧有恒交契嶧陽年六十五雖老病跏誦金剛經日必數卷崇禎丙子正月朔八跏誦未終卷遽革家人開喪受弔已三日將蓋棺矣嶧陽忽還魂言曰我死去以誦金剛力不歷

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

繪述

皇明金剛新異錄

冥王所竟留地藏王菩薩處適菩薩忽然謂我有一卷經誦未完放回急完此可來時雖能言而氣息奄奄欲絕勢不能自誦復語家人必請有恒上人來代我誦完他人無用也偶恒赴別請停一日須之及恒至嶧陽自掙起跣聽終卷舉手謝恒已笑化去



秀水信官全麗兼侍

毋李太安人發心捐貲較刊

皇明金剛新異錄一卷所保世壽與慧壽同昌色身倍法身齊因諸事吉祥如意百齡福履康寧上答

國恩下資黎庶凡有聞見咸興信受之懷所在護持共享太平之治 胡繼虞王希舜書 張三才梓 板貯楞嚴流通

子
冊
七